

0 10 20 30 40 50 60 70 80 90 100 110 120 130 140 150 160 170

杜工部年譜

仇兆整

#51242
2415

7635

杜詩仇注

借
644.01
829

Kodak Color Control Patches

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32

杜氏世系

一代

當陽侯預

二代

錫

躋

耽

尹

三代

四代

五代

六代

七代

乾光

齊司徒
右長史

漸

梁邊城
太守

八代

九代

十代

十一代

十二代

十三代

十四代

十五代

叔毗

周破州
刺史見
孝義傳
子兼卿

某

隋河內郡
司功參軍
獲嘉縣令
見萬年縣
君京兆杜
氏墓誌

依藝

監察御
史河南
鞏縣令

審言

修文館
學士尚
書膳部
員外郎

閑

充州司馬
終奉天令
兄國

甫

甫弟有
穎觀豐
古未知
行列故
不序

宗文

宗武

嗣業

杜詩詳注

目錄

世系

世

字號 2289

冊 1 函

杜工部年譜

錢謙益曰唐宰相世系表杜預四子錫躋曉尹襄陽杜氏出自預少子尹元稹墓誌晉當陽侯下十世而生依藝甫祭當陽君文稱十三葉孫甫甫為預之後未知預四子誰為甫之祖舊譜以前為尹之後此何據也唐舊書杜易簡傳易簡襄州襄陽人周硤州刺史叔毗曾孫易簡從祖弟審言易簡審言同出叔毗下獲嘉為甫高祖即硤州之子也周書杜叔毗傳其先京兆杜陵人徙居襄陽祖乾光齊右司徒右長史父漸梁邊城太守此世系之較然可考者以世系表推之尹下六代為襄陽侯洪泰與乾光為行洪泰生二子祖悅頤與漸為行頤生三子景仲景秀景恭與叔毗為行叔毗景恭皆仕周其子皆仕隋叔毗之子為廉卿則未知其為易簡之祖與審言之祖與舊譜以叔毗為頤子景仲叔毗並系頤下紕繆極矣顏魯公撰杜濟神道碑為征南十四代孫甫有示從孫濟詩斯為合矣世系表濟與位同出景秀下並征南十四代而詩稱從弟位抑又何與宋人謂世系表承逐家譜牒多所謬誤耳按陸務觀詩注少陵之後有徙大壘大蓬者戴復古詩中有杜子野趙孟頫詩中有杜伯玉楊載所記有杜舉錢謙益謂今岳州平江縣杜富猶藏拾遺救命喜文人子孫千年不替也

杜工部年譜

唐睿宗先天元年壬子

即景雲三年正月改元太極五月改延和八月改先天

甫生

呂汲公詩譜云墓誌本傳皆言公年五十九歲卒於大曆五年庚戌則當生於是年蔡興宗魯嘗黃

鶴諸譜同蔡夢弼曰按唐書本傳及元稹墓誌晉當陽成侯預下十世而生依藝以監察御史令於河南府

之鞏縣依藝生審言審言善詩官至修文館學士尚書膳部員外郎審言生閑京兆府奉天縣令閑生甫

元宗開元元年癸丑

即先天二年也七月歸政於帝十二月改元

開元三年乙卯

公舞劍行序云開元三年余尚童稚記於郾城觀公孫氏舞劍器黃鶴曰公七歲能詩則四歲記事非不能矣

呂譜疑其年必有誤非也

開元六年戊午

本言言言
公壯遊詩云七齡思卽壯開口詠鳳皇又進鵬賦
表云自七歲所綴詩筆向四十載矣約千有餘篇

開元八年庚申

壯遊詩云九齡書
大字有作成一囊

開元十四年丙寅

壯遊詩云往昔十四五出遊翰
墨塲斯文崔魏徒以我似班揚

開元十九年辛未

公年二十遊吳越

黃曰公進大禮賦表云浪跡於陛下
豐草長林實自弱冠之年則其遊吳

越乃在開元十九年自是下姑蘇渡浙江遊剡溪久之
方歸朱鶴齡曰公哭韋之晉詩悽愴郇瑕邑差池弱
冠年又酬寇侍御詩往別郇瑕地於今四十年郇瑕晉
地也公弱冠之時嘗遊晉地當是遊晉後方爲吳越之
遊也

開元二十三年乙亥

公自吳越歸赴京兆貢舉不第

黃曰公本傳嘗舉進士
不第故壯遊詩云歸帆

拂天姥中歲貢舊鄉忤下考功第獨辭京兆堂朱按史
唐初考功即掌貢舉至開元二十四年考功即李昂爲
舉人詆訶帝以員外郎望輕徙禮部以侍郎主之則公
下考功第當在二十三年蓋唐制年年貢士也選舉志
每歲仲冬州縣館監舉其成者送之尚
書省舊史云天寶初應進士不第非

開元二十五年丁丑

公遊齊趙

朱曰按壯遊詩忤下考功第獨辭京尹堂放
蕩齊趙間裘馬頗清狂是下第後卽遊山東

之明證但未詳起於何年今姑依魯嘗黃鶴諸譜又按
壯遊詩不言遊兖州而集中頗多兖州所作蓋兖州與
齊州接壤公遊齊州蓋
在兖州趨庭之後也

開元二十九年辛巳

壯詩羊主

百家年譜

七

公年三十在東都 是年寒食祭遠祖當陽君於洛之首陽

天寶元年壬午 正月改元

公在東都 是年公姑萬年縣君卒於東京仁風里六月還殯河南縣公作墓誌

天寶三載甲申 五月改元為載

公在東都 五月公祖母范陽太君卒於陳畱之私第八月歸葬偃師公作墓誌

白自翰林放歸客遊梁宋齊魯相從賦詩正在天寶三四載間 朱巨按舊譜謂開元二十五年公從高適李

白過汴州登吹臺懷古以寄李十二白詩證之其謬信矣

天寶四載乙酉

公在齊州 是年撰皇甫淑妃神道碑夏陪李北海邕宴歷下亭 錢曰高適李白俱有贈邕詩當是

同時白有魯郡石門別杜二甫詩或四五載之秋也

天寶五載丙戌

公歸長安 黃曰壯遊詩放蕩齊趙間裘馬頗清狂快意八九年西歸到咸陽則歸京師在天寶四五

載問

天寶六載丁亥

公應詔退下畱長安 元結論友文云天寶六載詔天下有一藝詣轍下李林甫命尚書省

試皆下之遂賀野無遺賢時公與結皆應詔而退

天寶七載戊子

公在長安

天寶八載己丑

公在長安間至東都 黃曰公洛城北謁玄元廟詩云五聖聯龍袞唐史加五帝大聖字在

土詩羊生

年譜

七

八載閏六月可證是年公又在東都

天寶九載庚寅

公在長安

天寶十載辛卯

公年四十在長安進三大禮賦玄宗奇之命待制集賢

院

魯訔曰公奏三大禮賦史集皆云十三載朱按帝紀十載行三大禮十三載未嘗郊况表云臣生長陛下淳朴之俗行四十載矣故知當在是歲是年作秋述

天寶十一載壬辰

公在長安召試文章送隸有司參列選序

黃曰是年十一月楊國忠為右丞相鮮于仲通為京兆尹呂譚公上韋左相詩鳳曆軒轅紀龍飛四十春自玄宗即位至此為四十年

天寶十二載癸巳

公在長安

黃曰有贈集賢院崔子二學上詩崔子常是試文之官

天寶十三載甲午

公在長安

黃曰是年進封西嶽賦是年二月右相兼文部尚書楊國忠守司空即封西嶽表所云元

天寶十四載乙未

授河西尉不拜改右衛率府胄曹參軍十一月往奉先

魯曰公在率府其家先在奉先黃曰詩史謂蜀北反書未聞公已逸身幾何非也若先已竄逸則改授無容在

初與師之時矣呂蔡譜俱云十一月初赴奉先有詠懷詩知非避亂也

肅宗至德元載丙申

即天寶十五載七月肅宗即位靈武改元

五月自奉先往白水依舅氏崔少府六月又自白水往鄜州聞肅宗即位自鄜羸服奔行在遂陷賊中

至德二載丁酉

四月脫賊謁上鳳翔拜左拾遺疏救房瑄上怒詔三司推問宰相張鎬救之獲免八月墨制放還鄜州省家十

月上還西京公扈從

是年六月一日有奉謝口刺放三司推問狀又有同遺補薦岑參狀

乾元元年戊戌

二月改元復以載為年

任左拾遺六月出為華州司功冬晚離官間至東都

是年

十月有為華州郭使君進滅殘寇形勢圖狀有試進士策問五首

乾元二年己亥

春自東都回華州關輔饑七月棄官西去度隴客秦州

卜西枝邨置草堂未成十月往同谷寓同谷不盈月十

二月入蜀至成都

上元元年庚子

閏四月改元

公在成都卜居浣花溪

是年營草堂公詩所云經營上元始是也又云頻來語燕定新

巢則三月堂成〔按〕黃魯諸譜皆云裴冕為公卜居考詩題不載此事恐是臆說有辯在集內

上元二年辛丑

九月去歲首以斗所建辰為名

公年五十居成都草堂間至蜀州之新津青城

〔朱曰〕公赴青城

黃譜編上元元年魯譜編上元二年以寄杜位詩考之疑魯是是年秋作唐興縣客館記

代宗寶應元年壬寅

建巳月代宗即位改元復以正月為歲首建巳月為四月

公居成都草堂七月送嚴武還朝到綿州未幾西川兵

馬使徐知道反因入梓州冬復歸成都迎家至梓十二

月往射洪南之通泉皆梓屬邑或云新書本傳遊東蜀依高適當在此時嚴武

入朝之後朱日嚴武還朝適領西川節度公方攜家往東川其時並無一詩與之不得云依高適也公在梓州

最善雷後章爨爨為雷後可知適未嘗兼領東川而謂之依適可乎

按公迎妻子不見詩題恐是遣弟往迎有弟占歸草堂詩熟知江路近頗為草堂迴可證是年建巳月公上嚴武說早

廣德元年癸卯七月改元

公在梓州春間往漢州秋往閬州冬晚復回梓州是歲

召補京兆功曹不赴魯黃譜俱云是年春公嘗暫至綿州以惠義寺送辛員外詩有直到

綿州始分手之句朱氏以惠義寺以下諸作皆係逸詩故不取其說今當存以待考朱日公補京兆功曹蔡

興宗趙子櫟魯嘗黃鶴諸譜俱編廣德元年蓋以別馬巴州詩注為據惟新唐書本傳與王原叔集註謂公不赴功曹在嚴武初鎮成都之時恐非辯詳詩集註是年有為閬州王使君進論巴蜀安危表九月有祭房相國文

廣德二年甲辰

春復自梓州往閬州嚴武再鎮蜀春晚遂歸成都草堂

六月武表為節度參謀檢校工部員外郎賜緋魚袋是年

上武東西兩川說

永泰元年乙巳正月改元

正月辭幕府歸草堂四月嚴武卒五月遂離蜀南下自

戎州至渝州六月至忠州秋至雲安居之

大曆元年丙午

十一月改元

春自雲安至夔州居之秋寓西閣

是年有為夔府柏都督謝上表

大曆二年丁未

公在夔州春遷居赤甲三月遷瀼西秋遷東屯未幾復

自東屯歸瀼西

大曆三年戊申

正月去夔出峽三月至江陵秋移居公安冬晚之岳州

大曆四年己酉

正月自岳州之潭州未幾入衡州夏畏熱復回潭州

按

是年有發潭州及發白馬潭詩乃春日自潭往衡岳也又據韋迢早發湘潭寄杜員外詩云湘潭一葉黃知秋

溪復在潭州矣觀公樓上詩身事五湖南終是老湘潭皆可證

大曆五年庚戌

公年五十九春在潭州夏四月避賊玠亂入衡州欲如

郴州依舅氏崔偉因至耒陽泊方田驛秋舟下荆楚竟

以寓卒旅殯岳陽

此條朱氏削去舊譜非是鶴譜云夏如郴州至耒陽訪韓令經方田驛阻

水旬餘韓致酒肉而史云今嘗饋牛豕白酒大醉一夕率嘗考謝韓今詩有云禮過宰肥羊愁當置清醪其詩

題云興盡本韻又且宿雷驛近山亭若果以飢死豈復能為是長篇又復游憩山亭以詩證之其誣自可不攻

况元稹作誌在舊史前初無此說按是秋舟下洞庭故有暮秋將歸秦奉留別親友詩又有洞庭湖詩云破浪

南風正回檣畏日斜言南風畏日又云回檣則非四年所作甚明當是年自衡州歸襄陽經洞庭詩也元微

之誌云扁舟下荆楚竟以寓卒旅殯岳陽其後嗣業啟柩襄耐事於偃師途次于荆拜余為誌呂汲公亦云夏

還襄漢卒於岳陽魯譜云其卒當在衡岳之間秋冬之交但衡在潭之上流與岳不相隣舟行必經潭然後至岳當云在潭岳之間蔡譜以史為是以呂為非蓋未之考耳鰲按五年冬有送李銜詩云與子避地西康州洞庭相逢十二秋西康州即同谷縣公以乾元二年冬寓同谷至大曆五年之秋為十二秋又有風疾舟中詩云十暑岷山葛三霜楚戶砧公以大曆三年春適湖南至大曆五年之秋為三霜以二詩證之安得云是年之夏卒於耒陽乎舊譜當屬可信而錢朱兩譜偏信新書遂以牛肉白酒斷送一生豈不誣枉前賢夫不信親著之詩章而信後人之記載不信子孫之行述

而信史氏之傳聞其亦昧於權衡審擇矣鰲謹按宋人作少陵年譜其傳世者有呂大防蔡興宗魯嘗趙子櫟黃鶴數家明初則有單復之譜近日則有錢謙益朱鶴齡顧宸諸譜唯朱氏裁別異同簡淨明當可稱定本但末後一條關於生死大事而其時其地皆未分明茲仍採舊譜以正其訛云爾

庚辰歲重
陽月考定



